



UNIVERSITÄTS-  
BIBLIOTHEK  
PADERBORN

**Assertiones Philosophicæ Fusius Deductæ Philosophiæ  
Peripateticæ communioris Epitomen exhibentes**

**Leuren, Peter**

**Coloniae Agrippinae, 1681**

Dissertatio Tertia De Intellectu & Voluntate.

---

[urn:nbn:de:hbz:466:1-71607](#)

## DISSERTATIO TERTIA

*De Intellectu & Voluntate.*

I. **I**ntellectus humanus est potentia cognoscitiva purè spiritualis animæ rationalis. Adjiciunt quidam: cognoscitiva per discursum & species à sensibus haustas, utpote qui est modus cognoscendi intellectui humano maximè connaturalis & proprius, præsertim pro statu conjunctionis. Quatenus à phantasmate abstrahit, unaquè cum illo concurrente fabricat sibi species impressas intelligibles, dicitur intellectus agens; quatenus productas à se has species recipit, dicitur intellectus possibilis seu patiens: quatenus unum ex altero deducendo ratiocinatur, dicitur ratio: quatenus judicat volitiones esse bonas vel malas, dicitur conscientia: quatenus recordatur præteriorum, dicitur memoria.

II. Actus intellectus (ut sparsas per Philosophiā ejus divisiones sileā) alius est intuitivus, qui strictè acceptus est cognitio, quā cognoscitur objectum clare, immediate in se, vel per species proprias (quales censemur adhuc eæ, quas Deus infunderet, dummodò eodem

eadem modo repræsentativæ sint objecti, ac species ab eo emissæ ) ut existens pro certa temporis differentia, præteriti, præsentis vel futuri: aliis abstractivus , quo objectum cognoscitur obscure, vel per species alienas, vel in alio, abstrahens ab objecti existentia. Alius est comprehensivus , qui strictissime acceptus est cognitio adæquans cognoscibilitatem objecti extensivam, id est, repræsentans omnia, quæ in objecto sunt formaliter vel eminenter, sive omnia ejus prædicata absoluta & respectiva in particulari ( quæ posteriora cognosci perfectè non possunt, nisi perfectè quoquè cognoscantur horum respectuum termini, & horum terminorum rursus prædicata respectiva &c. ) tam cognitionem, tam respectu sui ipsius, quam creaturarum dari in solo Deo , manifestum est; adæquans præterea objecti cognoscibilitatem intensivam, id est, repræsentans objectum cum tanta claritate & perfectione, quanta juxta exigentiam & activitatem objecti haberi potest: aliquanto tamen mitius acceptus, est cognitio repræsentans objectum secundum omnia prædicata absoluta, & præcipua rela-

¶ 4

tiva,

tiva, ita tamen, ut eorum termini, non nisi secundum rationem specificam repræsententur. Huic opponitur actus non comprehensivus, cui aliquid ex jam dictis deest.

III. Species impressæ intelligibiles necessariæ sunt intellectui, tam ad operationes, quibus objecta primò cognoscit, quam quibus cognitorum recordatur, (nisi fortè objecta sint intimè intellectui præsentia, & ad eundem per se ipsa movendum maximè proportionata, qualis Deus est respectu intellectus Beatorum) etiam præsente phantasma. Intellectus enim, qui de se proximè impotens est, & indifferens ad cognoscendū hoc, vel illud, vel nihil, quemquæ objecta, præfertim materialia & absentia, per se ipsa movere non possunt, nequæ etiam illi conjungi per aliquod materiale sui vicarium, nequæ per ipsam speciem expressam phantasticam, utpote etiam materiale, adeoque adhuc improportionatam, debet determinari ultimò, & proximè moveri ad cognitionem spiritualem, & constitui illi objectum proximè intelligibile per aliquod spirituale, quod objecto det veluti esse aliquod spirituale, sive spiritualizet illud sicut

( sicut nec voluntas, utpote spiritualis, moveri potest à sensatione ) sed talis est species impressa, quam intellectus concurrens secum phantasmate fabricat, sive quam abstrahere dicitur à materialitate objectorum & phantasmatum, ergo. Neque dicas: eo ipso, quod cognitio sit in intellectu, voluntas elicit suos actus absqùe ulla alia specie, ergo eo ipso, quod phantasma sit in phantasia, intellectus sine alia specie producit speciem expressam seu cognitionem; intellectio enim, cum sit objecti representatione, exigit objectum tanquam co-principium per se vel per quid aliud proportionatum potentiae cognoscitivae conjungi ad se efficiendam, qualiter volitio, cum sit solùm prosecutio vel fuga objecti, non exigit illud ita conjungi potentiae volitivae ad se efficiendam.

IV. Species impressæ non rememorativæ producuntur ab intellectu; exigunt enim, utpote spirituales, principium spirituale, quale hic non est aliud, quam intellectus: recurrere autem ad Deum, ubi adest causa secunda, non est conveniens. Verum quidem est, non potentiam, sed objectum producere species,

¶ 5

sed

sed tunc, quando illud ad hoc proportionatum est. Concurrit tamen ad has species producendas phantasma; sunt enim hæ species virtualis imago objecti, quod illis præcisè esse dare non potest intellectus, à quo tantum habent, quod sint spirituales, ergo hanc formalitatem habere debent à phantasmate, quod est formalis imago objecti. Et quidem coëfficit illas phantasma in genere causæ efficientis; cùm enim concurrat ad illas loco objecti, debet in eo genere concurrere, quo solent objecta concurrere ad species producendas. Ad hæc debet intellectus ad has species producendas non tantum determinari; sed & completri, ut pote de se insufficiens; Itē debet cōpleri per aliquid, quod possit dare his speciebus rationem imaginis objecti, quæ illis à nullo dari potest, nisi quod influit in eas efficienter. Demum si phantasma est causa tantum exemplaris specierū, ergo intellectus agés qualis, est cognoscitus; causa enim exemplaris non aliter determinat efficientē, quam per cognitionem sui. Atqui ex his sequitur nullas species rerū quæ non fuerunt, vel per proprias, vel per alienas, vel per unam, vel per multas species in phantasia, esse in intellectu prosta-

tu conjunctionis. Species verò rememorati-  
væ producuntur effectivè à solis intellectio-  
nibus, quibus pereuntibus cōservantur à solo  
Deo, dependenter tamen ab intellectu tan-  
quam subjecto sustentationis; producuntur  
enim species connaturaliter à suo objecto, si  
hoc præsens est & proportionatū; sed intelle-  
ctiones sunt objecta respectu harū specierū,  
præalentia intellectui & proportionata; ergo.  
Et hinc patet, has species nō esse verbū men-  
tis post actum relictū, & à solo Deo non vita-  
liter conservatum; illud enim utpote vitale,  
quotiescunq; non vitaliter conservatur, con-  
servatur supernaturaliter. Quibus rememo-  
rativis speciebus pluribus instructus intelle-  
ctus, potest dein ex virtute sua uti illis per ap-  
prehensiones, judicia & discursus conjungē-  
do, disjungendo, illas purificandoq; illas à  
materialitate, quā repræsentativè continent,  
per viā remotionis removendo, vel negando  
imperfectiones rerum corporeatum, ab eo,  
quod cognoscit: unde postea rerū aliarū, ad  
quas sensus immediatè, perq; proprias rerū  
species nō præiverant, consequitur cognitio.

V. Sunt species hæ rememorativæ in-  
corrumpibles, quia nec subjectum illorum,

q 6

nequæ

nequè causa conservativa perit, nequè etiam  
habent contrarium. Et hinc est, quòd anima  
in statu separationis ope harum specierum,  
quas in eo statu retinet, recordetur rerum in  
corpore gestarum. Dum ergo rerum obli-  
cimur, accidit illud, quia species non excitan-  
tur, eo quòd vel species phantasticæ reme-  
morativæ, vel totæ, vel ex parte per humores  
nimios aliaqùe accidentia cerebrum occu-  
pantia deletæ interierint; vel quòd aliæ spe-  
cies recentiores & intensiores aliorum obje-  
ctorum faciliùs excitentur, & vivaciùs occur-  
rant. Quòd autem horum potius, quam alio-  
rum recordemur est, quia phantasia circa  
talia, & non alia objecta versatur, ipsæ au-  
tem species rememorativæ phantasticæ exci-  
tantur, dum sensus simile aliquod objectum,  
aut quid cum eo connexum percipiunt, vel  
dum in hac vel illa cerebri parte, ubi hæ, &  
non aliæ species subjectantur, prædominan-  
tur vel amoventur humores tales aliudve  
temperamentum, vel etiam excitatâ unâ, ex-  
citatur species alia illi cognata vel vicina.

V1. VOLUNTAS est potentia spiritualis per  
actus elicitos. ( per quod distinguitur ab ap-  
petitu innato.) appetitiva. Objectum ejus  
adæ-

tu conjunctionis. Species verò rememorati-  
væ producuntur effectivè à solis intellectio-  
nibus, quibus pereuntibus cōservantur à solo  
Deo, dependenter tamen ab intellectu tan-  
quam subjecto sustentationis; producuntur  
enim species connaturaliter à suo objecto, si  
hoc præsens est & proportionatū; sed intelle-  
ctiones sunt objecta respectu harū specierū,  
præalentia intellectui & proportionata; ergo.  
Et hinc patet, has species nō esse verbū men-  
tis post actum relictū, & à solo Deo non vita-  
liter conservatum; illud enim utpote vitale,  
quotiescunq; non vitaliter conservatur, con-  
servatur supernaturaliter. Quibus rememo-  
rativis speciebus pluribus instructus intelle-  
ctus, potest dein ex virtute sua uti illis per ap-  
prehensiones, judicia & discursus conjungē-  
do, disjungendo, illas purificandoq; illas à  
materialitate, quā repræsentativè continent,  
per viā remotionis removendo, vel negando  
imperfectiones rerum corporeatum, ab eo,  
quod cognoscit: unde postea rerū aliarū, ad  
quas sensus immediatè, perq; proprias rerū  
species nō præiverant, consequitur cognitio.

V. Sunt species hæ rememorativæ in-  
corrumpibles, quia nec subjectum illorum,

q 6

nequæ

nequè causa conservativa perit, nequè etiam  
habent contrarium. Et hinc est, quòd anima  
in statu separationis ope harum specierum,  
quas in eo statu retinet, recordetur rerum in  
corpore gestarum. Dum ergo rerum obli-  
cimur, accidit illud, quia species non excitan-  
tur, eo quòd vel species phantasticæ reme-  
morativæ, vel totæ, vel ex parte per humores  
nimios aliaqùe accidentia cerebrum occu-  
pantia deletæ interierint; vel quòd aliæ spe-  
cies recentiores & intensiores aliorum obje-  
ctorum faciliùs excitentur, & vivaciùs occur-  
rant. Quòd autem horum potius, quam alio-  
rum recordemur est, quia phantasia circa  
talia, & non alia objecta versatur, ipsæ au-  
tem species rememorativæ phantasticæ exci-  
tantur, dum sensus simile aliquod objectum,  
aut quid cum eo connexum percipiunt, vel  
dum in hac vel illa cerebri parte, ubi hæ, &  
non aliæ species subjectantur, prædominan-  
tur vel amoventur humores tales aliudve  
temperamentum, vel etiam excitatâ unâ, ex-  
citatur species alia illi cognata vel vicina.

V1. VOLUNTAS est potentia spiritualis per  
actus elicitos. ( per quod distinguitur ab ap-  
petitu innato.) appetitiva. Objectum ejus  
adæ-

adæquatum est bonum ( de quo multa vide in causa finali ) Ad omnem ejus actum essentialiter prærequiritur cognitio intellectus ; foret enim volitio tali intellectione destituta voluntaria , utpote ipsum voluntatis exercitium , & non foret , cum voluntarium sit id , cuius principium est in agente sciente singula , in quibus est actus , id est , est à principio intrinseco actu cognoscere , & nō tantum exigente cognitionē ; Hinc hæc duo : *amo Petrum* : & *non cognosco Petrum* : sunt virtualliter contradictoria . Hujus cognitionis defectum quia supplere nequit Deus , dubium magnum est , num terminum volitionis à se solo productum possit injicere voluntati , sicut terminum intellectus intellectui ( qui in eo casu adhuc esset imago objecti , quia Angelus , vel etiam homo per aliam cognitionem illum intuens , in eo cognosceret objectum , etsi per illum directè nihil cognosceret intellectus , cui injicitur ) cum sit hic terminus essentialiter pondus quoddam & inclinatio voluntatis in objectum , qualiter ea inclinati nequit in aliquid , quod non cognoscit .

VII. Debet hæc cognitio primò esse intellecti

q. 7

tellecti

tellectiva; cognitio enim sensitiva nō est proportionata appetitui spirituali , sicut nec ad volitionem supernaturalem sufficit cognitio naturalis. Dicitur itaq̄e appetitus sensitivus post se trahere volūtatem, quia aliquando ob claritatem ph̄intasmatis vivacissimē bonum sensibile proponētis appetitus sensitivus tanto impetu fertur in bonum illud, ut intellectū non sinat rationes oppositas perscrutari, perscrutatas voluntati proponere: vel etiam movere voluntatem, quarenuis appetitus hic occasio est , ut intellectus propter sympathiam proponat voluntati objectum, in quod appetitus hic fertur, & eo vehemētiūs : quo vehementiūs ipse in illud fertur. Secundò sicut ad simplicem complacentiam sufficit simplex apprehensio bonitatis, sic ad volitionem efficacem requiritur judicium, seu saltem apprehensio judicio tali æquivalens de possibiliitate obtinendi objectum. Tertiò ad volitionem liberam requiritur cognitio objectivè indifferens, id est , repræsentans rationes boni & mali. Non requiritur tamen ad omnem actum voluntatis judicium intellectus practicum , quo repræsentetur voluntati, quasi cum aliquo imperio : hoc hic & nunc est.

est faciendum ; quodq; sit ultimò ita determinans voluntatem ad actum , ut ea in sensu composito hujus judicii non possit velle contrarium ; repugnat enim id libertati , utpote quod prævenit libertatem ; ( si enim ponitur liberè seu consequenter ad actum liberum voluntatis , vel oritur , postquam voluntas se sivit ab objecto moveri , jam datur motio voluntatis , quæ nihil est præter positivū actum voluntatis , vel etiam actus liber voluntatis ante tale judicium , adeoq; illud non prærequiritur ad omnem actū voluntatis ) & habitum non potest non determinare ad actum . Per quæ tamen non negamus , ad hoc , ut voluntas quid velit efficaciter requiri judicium de convenientia & bonitate objecti . Unde dum quis interrogatur , cur hoc vel illud fecerit , bene quidem dicit ; quia judicavi illud esse mihi bonum vel jucundum , vel honestum , ( quale judicium non est ultimò determinativum ) vel etiam , quia judicavi sic esse faciendum in ordine ad talem finem : & non absolutè semper : quia judicavi sic esse faciendū , alias mentiens foret hæreticus , utpote habens hoc judicium : hic & nunc est mentendum ; cum tamen de fide sit , nunquam esse mentiendum .

VIII.

VIII. Non influit cognitio in volitionem, sed habet se per modum meræ conditionis, & sicut in physicis se habet approximatio, approximans objectum voluntati; quamvis in eo ab approximatione physica differat, quod ea suppleri possit à Deo, causaq; agere in distans. Proposito enim per cognitionem obiecto, & præeunte hoc lumine, voluntas haber sufficientem vim, ut absq; physica coëfficiencia cognitionis eliciat volitionem, qualē vim intellectus nō haber, ut posito phantasmate, absq; specie impressa ponat intellectionem, vel etiam, ut absq; ejusdem phantasmatis coëfficiencia ponat hanc speciem impressam.

IX. Ad denominandam voluntatem simpliciter liberam, seu ad rationem liberi arbitrii sufficit, eam esse liberam libertate contradictionis ( etsi de facto in nobis quoq; libera sit libertate contrarietas) non tamen sufficit, esse liberam libertate spontaneitatis, seu liberam libertate à coactione; foret enim alias omnis volitio libera eo ipso, quod esset volitio, cùm omnis volitio sit ipsa actualis inclinatio seu appetitus elictus, adeoq; nō contra appetitum elicium renitētem, adeoq; libera à necessitate coactionis. Quinimò, si nomine liberi

liberi arbitrii nihil intelligatur aliud, quām potentia volēdi sine coactione, nullus hæreticus detrectabit admittere, esse in homine liberum arbitrium, & consequēter malè damnantur ab Ecclesia, quia jam nō negant liberū arbitriū. Præterea jam Beati liberè amabunt Deum; Pater & Filius Spiritum S. (qui volen-  
do procedit) spirabunt liberè. Est autem libe-  
rum arbitriū seu libertas in actu primo *poten-  
tia vitalis* (quamrationē potentiae nō habent  
habitū, et si ad agēdū & non agēdū sint  
in differentes) *quæ positis* (& manentibus om-  
nibus, de quo alibi) *omnibus requisitis ad agen-  
dum* (subintellige: & ad non agendum; eadem  
enī, quæ ad agēdū liberè requiruntur, re-  
quiruntur quoq; ad non agendū liberè) *potest  
agere & non agere*; simultate nimirū poten-  
tiæ, nō actus; actus enī & ejus negatio pro  
nullo instante componi possunt. Unde patet,  
liberū arbitriū in actu primo proximo, nihil  
esse aliud, quām ipsam voluntatem, cui utiq;  
adæquatè est intrinsecum, posse agere & non  
agere habitis omnibus prærequisitis: Liber-  
tate verò in actu primo proximo esse volun-  
tati inadæquatè extrinsecam, quia præter en-  
titatem voluntatis dicit judicium indifferens,  
cōcurrsum Dei indifferenter &c.

X.

X. Libertas in actu secundo, seu actus liber est actus , qui procedit à potentia libera quā tali , sive est *actus ita procedens* à suo principio, ut *positis & manentibus omnibus prærequisitis ad rationem principii proximi invariatis* , potuisset non procedere : vel etiam cuius negatio, aut cuius actus oppositus potuisset conjungi cum principio proximo adæquatè sumpto. Huic actui specificativè sumpto libertas est inadæquatè extrinseca ; absq[ue] eo enim , quod intelligatur ullum prædicatum huic actui intrinsecum, intelligi potest ille procedere à principio, potente pro eodem instantे actus primi proximi eum non producere, aut producere ejus contrarium, (quod est, eū concipere, ita procedere ab hoc principio , ut potuerit ab eodē remanente proximè ad operandum expedito non procedere, adeoq[ue] formalissimus cōceptus actus liberi ) quia potest eadē omnino actus entitas, quæ nūc procedit à principio indifferente, procedere à principio determinato ad unum , dum v.g. primo instantē amor inchoatur cum cognitione indifferente, & pro secundo instantē cōtinuatur cum cognitione repræsentāte solam objecti bonitatem; habet se namq[ue] cognitio, quatenus simul repræsentat

tat in objecto rationem aliquam mali , prorsus per accidens respectu amoris seu entitatis, quæ amor est, et si requiratur essentialiter ea ad amorem , quatenus liber est ( idem est de decreto Dei, quatenus illud indifferens est ad odium , vel omissionem amoris ) principia enim vel conditiones per se requisita ad amorem sunt cognitio bonitatis, & cōcursus Dei ad amorem. Nequè dicas ; posita cognitione & concursu Dei indifferente , amorem fore electivum, pugnacem, vītricemperq; illum voluntatē red gere in actum vim suam repudiativam unius , & prosecutivam alterius : nam pugnacitas illa & vītricitas non magis reddit productionem amoris physicè & intrinsecè diversam à non pugnace , quām calefactionem pugnacem, seu quæ sit cum resistentia, faciat physicè diversam à non pugnace : Et sicut ignis per talem calefactionem in actum redigit vim suam , tam expulsivam frigoris, quām inductivam caloris, et si actu non expelleret frigus , sic voluntas per talem actum redigeret quoquè in actum vim suam repudiativam unius & prosecutivam alterius , et si de facto ( dum illi objectum proponitur tantum sub ratione boni ) nullum

con-

cōtrarium repudiaret. Unde sicut calefactio ista esset radicaliter tantūm expulsiva frigoris, id est, de se apta & sufficiens expellere frigus, modò illud in subiecto inveniret, sic etiam actus ille voluntatis esset radicaliter repudiatus alterius, adeoq; in se radicaliter liber, id est, per entitatem suam eandē repudiatus alterius, modò hæc cōtraria ratio repudiāda repræsentaretur ; quæ quòd illi repræsentetur, & actu ab eo repudietur, adeoquè quòd sit actu liber, illi est per accidens & in adæquatè extrinsecum. Jam verò ex nostra doctrina sequitur primò : posse hominem ex non peccatore fieri peccatorem ( dum nimirum eundem actum inchoatum cum cognitione repræsentante solam rationē boni, continuat dein cū cognitione indifferentē) absq; ulla mutatione intrinseca physica , per hoc, quòd eandem actionē physicam ponat tunc, quando potuit abstinere, quæ circumstantia extrinseca actioni, dat illi aliam aestimabilitatem moralem & imputabilitatem ad pœnam & culpam, quam sine illa non haberet ; unde quoq; est, quòd Deus eandem entitatē actus nunc possit velle causare, nūc odio habeat, & non causet. Sequitur secundò decretum Dei

indif-

indifferens esse cōstitutivum intrinsecum hu-  
jus totius seu aggregati, quod dicitur actus li-  
ber, seu malitia moralis, quod magis absurdū  
non est, quām si dicatur Deus esse constituti-  
vum hujus cōcreti : *offensa Dei : cognitio falsa*  
*Dei* : Unde tamen nō sequitur displiciturum  
Deo concursum suum, utpote constitutivum  
actus peccaminosi displicantis ; potest enim  
aggregatum aliquod ex pluribus, v.g. ex naso  
pulcherrimo locato in fronte venustissima,  
objectum esse displicētiæ, cujus singulæ par-  
tes seorsim sumptæ placent, sic licet ipsa enti-  
tas actus, ipsa cognitio & cōcursus Dei indif-  
ferens seorsim singula Deo placeant, conju-  
cta tamen, si scilicet entitas illa actus ponatur  
tunc, quando sciebatur prohibita, quādō po-  
terat nō poni, displicēt. Sequitur tertio, libe-  
rum & necessarium, bonum & malum nō esse  
differētias essentiales actus humani specifica-  
tivè & in genere naturæ sumpti, sed redupli-  
cativè sumpti & in genere moris : similiter  
libertatē, nō in actu primo proximo, sed in a-  
ctu primo remoto, & quasi radicalē & apti-  
tudinalem esse differētiam essentialē potētiæ  
liberæ; non enim voluntas differt ab appetitu  
bruti per hoc, quod sit actu cōstituta in actu  
primo

primo proximo potens agere & nō agere, sed quòd possit agere & nō agere tunc, quādo est constituta in actu primo proximo, sive quòd sit capax libertatis formalis & actualis; sicut & volitio in eo ab appetione bruti distinguitur, quòd ex se apta sit ita procedere, ut possit nō procedere, (quod est actū esse radicaliter liberum) et si actu ita procedat, ut non possit non procedere. Unde etiam actus actu liber formaliter quā talis respicit transcendentaliter principium liberū ut formaliter in actu primo proximo liberū; actus verò, qui liber est formaliter, (sicut & actus solum radicaliter liber) respicit præcisè principium liberum radicaliter. Sequitur quartò, actū liberū non per solam suam entitatem, sed unā cum potentia ad negationē aut cōtrarium actus, esse determinationem formalem potentiae liberæ ut liberæ formaliter. Item voluntatem agentem liberè, & agentē necessariò, agere diversimode, diversitate tenēte se ex parte actus primi, non verò ex parte actus secundi. Pariformiter loquendum foret de vitalitate actuali & formalī termini actionis vitalis secundūm se spectati; videtur enim & illi esse inadæquatè extrinsecum, quòd actu procedat à tali principio,

cipio, cui immaneat, & posset idem procedere à principio, cui non immaneret, adeoquè non esse formaliter vitalis.

XI. Implicat omissione pura libera, sive ut postquam voluntati objectum propositū est, sub ratione boni & mali, hæc liberè omittat omnem circa illud actum. Moveretur enim voluntas ad hanc omissionē aliquo motivo, utpote quæ debet esse libera, qualis esse nequit posita sine omni motivo: & non moveretur ad illam aliquo motivo; incōceptibile enim est, voluntatem actu moveri, & nullum actū exercere, actus quippe voluntatis positivus est ipsa volūtatis motio. Neq; dici potest, ex eo motivo procedere omissione, post cujus præcisè propositionem illa sequitur, possunt namq; volūtati successivē proponi plura motiva omissionis V.G. sacri audiendi, quorum tamen nō nisi unico moveatur ad hanc omissionē, ergo proponi voluntati motiva, & post ea subsequi omissionem, nō est statim omissionem ponи ex tali motivo, etsi in iis motivis non habuerit positivam displicantiam; alias dum quis post propositū motivum vanæ gloriæ, erga quod non habuit positivā displicantiam, ponit omissionem ebrietatis censēbitur

pec-

peccare ideo præcisè, quia nō displicuit positivè hoc motivum, quòd fallum est, cùm ad peccatum requiratur positiva complacentia medii illiciti. Idem respondendum iis, qui docent, dum plura motiva compossibilita omissionis proponuntur, omissionem procedere ex omnibus simul, nisi voluntas per aetum positivum aliqua rejiciat. Neque adhuc satisfacis dicendo; sicut omissione nō propriè & formaliter, sed impropriè & interpretativè est voluntaria, quatenus quis nō agens, quando potest, ita se habet, ac si positivè nollet agere, sic quoquè voluntatem ad omissionem non moveri propriè, sed impropriè & interpretativè; nam si per omissionem exercet verè libertatem, debet verè moveri aliquo motivo. Dum itaqùe quis elicit amorem Dei intēsum ut quatuor, cùm possit elicere intensiorem, non ponit putam omissionem hujus majoris intēsionis; sicut enim per actum positivum determinat se ad amorem, sic per eundem determinat se ad tam, & non magis intensè amandum. Atq; ex his sequitur, non posse proponi omnem operationem tanquam malam, quin eo ipso relinquatur locus uni saltem actui, quo cæteras aversetur,

&amp;

& consequenter in eo casu non poterit adhuc dari pura omissio libera. Similiter, Deum non posse mandare, ut quis liberè abstineat ab omni actu: demum, si post indifferenter propositum objectum, Deus negaret concursum ad omnem actum, præterquam ad amorem, non posse liberè amari objectum, cum ejus pura omissio sit impossibilis. His tamen non obstantibus dabitur adhuc distinctio inter libertatem contrarietatis & contradictionis; libertas enim contradictionis in hoc præcisè cōsistit, quod possit quis V.G. amare vel non amare, præscindendo, an possit non amare, agendo quid incompossibile cum amore, an purè nihil agendo; libertas contrarietatis consistit in eo, quod possit amare, vel agere strictè contrarium, nempe odisse. Exactius de Libertate I heologi.

## DISSERTATIO QVARTA

### *De Habitibus.*

I. **H**ABITUS naturalis seu acquisitus est qualitas permanens (id est, difficulter mobilis) potentiae vitali superaddita (in rebus r enim